

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

যুক্তরাষ্ট্র সরকারের খাদ্য নিরাপত্তা উদ্যোগ-এর

উর্ধ্বতন ইউএসএআইডি কর্মকর্তার ঢাকা ত্যাগ

ঢাকা, ১২ই নভেম্বর -- যুক্তরাষ্ট্র আন্তর্জাতিক উন্নয়ন সংস্থার কৃষি দফতরের পরিচালক এবং নতুন “যুক্তরাষ্ট্র সরকার খাদ্য নিরাপত্তা উদ্যোগ”-এর উর্ধ্বতন কর্মকর্তা ড. জোসেট লুইস আজ ঢাকা ত্যাগ করেছেন। প্রেসিডেন্ট বারাক ওবামার নতুন খাদ্য নিরাপত্তা উদ্যোগ নিয়ে আলোচনা করতে তিনি ঢাকা সফর করেন। তার এই সফর বাংলাদেশ ও যুক্তরাষ্ট্র সরকারের মধ্যে একটি সক্রিয় পরিকল্পনা ও আলোচনার সূচনা করলো যা বাংলাদেশে খাদ্য নিরাপত্তার জন্য একটি নতুন কর্মসূচি গ্রহণের দিকে এগিয়ে নিয়ে যাবে। বাংলাদেশ এই কৌশল প্রণয়নের নেতৃত্বে থাকবে।

ড. লুইস স্বাস্থ্য, কৃষি এবং খাদ্য ও দুর্যোগ ব্যবস্থাপনামন্ত্রীসহ বাংলাদেশ সরকারের উর্ধ্বতন কর্মকর্তাদের সঙ্গে সাক্ষাৎ করেন। তিনি উন্নয়ন অংশীদার, সুশীল সমাজের সদস্য ও থিংক ট্যাংকদের সঙ্গেও কথা বলেন। আলাপকালে তিনি যুক্তরাষ্ট্রের নতুন খাদ্য নিরাপত্তা উদ্যোগ সম্পর্কে বিস্তারিত বর্ণনা করেন এবং বাংলাদেশ সরকার ও অন্যান্য অংশীদারের কাছ থেকে দেশের খাদ্য নিরাপত্তার অগ্রাধিকার সম্পর্কে মতামত শোনেন। এসব আলোচনা তাকে বাংলাদেশে কৃষি উৎপাদনক্ষমতা, পুষ্টি, খাদ্য সহায়তা ও টেকসই কৃষিব্যবস্থাকে ব্যহত করছে এমন নীতিমালা ও অনুশীলনসমূহ সম্পর্কে একটি সার্বিক ধারণা পেতে সক্ষম করে তুলবে।

যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত উন্নয়ন সহায়তা হিসেবে ৫শ’ ৫০ কোটি ডলার প্রদান করেছে। তাৎক্ষণিক খাদ্য সহায়তা প্রদানের পাশাপাশি বাংলাদেশে কৃষি বিষয়ে উচ্চশিক্ষাকে উৎসাহিত করতে ও কৃষি গবেষণায় সুযোগ-সুবিধার উন্নয়নের লক্ষ্যে যুক্তরাষ্ট্র সরকার গুরুত্বপূর্ণ অবদান রেখেছে। যুক্তরাষ্ট্র সরকারের সহায়তায় গম গবেষণা কেন্দ্র, বাংলাদেশ কৃষি গবেষণা প্রতিষ্ঠান এবং বাংলাদেশ কৃষি গবেষণা পরিষদ প্রতিষ্ঠিত হয়।

=====

জিআর/ ২০০৯

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট:

dhaka.usembassy.gov যোগাযোগ করুন।